



Graubünden reformiert
Grischun refurmà
Grigioni riformato

PUBLICAZIUN NR. 687 DAL CUSSEGL DA BASELGIA

Atun 2024

REGISTER DAL CUNTEGN

Per l'orientaziun e la discussiun preschenta il Cussegl da baselgia evangelic (Cussegl da baselgia/CB) las suandantas tractandas ed infurmaziuns a las suprastanzas da las plaivs ed a las Regiuns ecclesiasticas (RE):

1. Consultaziun	2
1.1. Objects da tractar	2
<hr/>	
2. Comunicaziuns e retschertgas dal cussegl da baselgia	2
2.1. Retschertga davart l'administraziun da persunal centrala	2
2.2. «enchanté» – chantar da cuminanza en baselgia	2
2.3. Protecziun da las datas	3
2.4. Respostas a postulats e propostas da las radunanzas da primavera	3
<hr/>	
3. Comunicaziuns e consultaziuns dal decanat	4
3.1. Preditgantas e preditionts laics enfin la Sinoda 2028	4
3.2. Conceder ina lubientscha a predicaturas e predicaturs laics	4
<hr/>	
4. Consultaziun da la direcziun dal CGE	5
4.1. Propostas d'elecziun per in commember dal CB	5
4.2. Propostas per il presidi ed il vicepresidi dal CB	5
<hr/>	
5. Rapports regiunals	5
5.1. Preschentaziun da las provisuras e dals provisurs	5
5.2. Occurrenzias regiunals dapi la radunanza d'atun 2023	5
5.3. Instrucziun da religiun 2024/2025	6
5.4. Preparativas per l'inspeziun ordinaria dals archivs 2025	6
5.5. Propostas, impuls e dumondas	6
<hr/>	
6. Informaziuns diversas	7
6.1. Annunziar mutaziuns e moda da spediziun	7
6.2. Giubileums	7
6.3. Proceder tar midadas en ils uffizis da pravenda	7
6.4. Sesidas dal Cussegl grond evangelic 2024/2025	7
6.5. Sesidas dal Cussegl da baselgia 2024/2025	7
6.6. Reuniuns da la Sinoda 2025	8
6.7. Termens da las radunanzas regiunals d'atun 2024	8
6.8. Ils termens da las radunanzas regiunals da primavera 2025	8
6.9. Inoltrar ils protocols da las radunanzas regiunals	8
<hr/>	
7. Annexas (Adressas)	10

1. CONSULTAZIUN

1.1. Objects da tractar

I na dat nagins objects da tractar.

2. COMUNICAZIUNS E RETSCHERTGAS DAL CUSSEGL DA BASELGIA

2.1. Retschertga davart l'administraziun da personal centrala

La primavaira ha il CB retschet duas interpellaziuns che han connex cun dumondas administrativas: La RE Bernina-Maloja dumonda tge avantatgs e disavantatgs ch'i dess sch'il personal da la Baselgia vegniss administrà directamain davent da Cuira. E la RE Engiadina Bassa-Val Müstair renda attent a la chargia administrativa creschenta per las suprastanzas da plaiv. Il CB parta dal fatg che la chargia administrativa sa referescha tranter auter a l'administraziun da personal e respunda perquai gist a domaduas interpellaziuns.

Or da vista dal CB pon ins concepì ina administraziun centrala da personal sulettamain sco servetsch a favur da las plaivs. La respunsabladad per il personal restass vinavant tar las plaivs, quai che correspunda al princip da l'autonomia da vischnanca. Ina administraziun centrala da personal chargiass considerablmain las plaivs, oravant tut en ils secturs dals contracts da lavur, las midadas da pensums, la contabilitad da pajas, las segiranzas socialas (AVS e.a.v.) e lur declaraziuns annuallas sco er las annunzias da malsogna ed accident. Novaziuns en quests secturs pudess la Baselgia chantunala realisar directamain, quai che fiss d'avantatg per garantir la qualidad.

L'administraziun da personal vegn pli e pli complexa e la nova revisiun da l'AVS contribuescha sia part latiers. En singulas plaivs èn capitads il davos temp sbagls considerabels tar l'administraziun da personal ed ins ha pudì curreger quels sulettamain cun blera lavur e custs. Atras ina spezialisaziun centrala pudess ins reducir la flaivlezza da sbagls. In ulteriur avantatg fiss da pudair simplifitgar l'examinaziun ed approbaziun dals contracts da lavur.

Ina administraziun centrala da personal avess la consequenza ch'ins stuess augmentar las forzas da lavur da la partiziun da finanzas/infrastructura da la Baselgia chantunala. Las plaivs che duvrassan quest servetsch, pudessan sa distgargiar da l'administraziun da personal. Sch'i sa mussass in basegn da la vart da las plaivs, pudess il CB elavurar ina proposta detagliada e calcular las consequenzas finanzialas.

Il CB supplitescha las RE da responder a las suandantas dumondas:

1. Sustegn la Regiun l'idea da stabilir ina administraziun centrala da personal?
2. Quantas plaivs da mintga RE dumandassan previsiblamain (facultativ) quest servetsch nov?

2.2. «enchanté» – chantar da cuminanza en baselgia

La Conferenza per il cudesch da chant e liturgia edescha il cudesch da chant uffical da las Baseligias evangelic-refurmadas da la Svizra tudestga sco er il «rise up». L'onn current ha ella lantschà in process da plirs onns che sa deditgescha a l'avegnir dal chant e da la furma futura dal cudesch da chant. Quest process sa numna «enchanté – chantar da cuminanza en baselgia» ed igl è previs da cumenzar quel l'emprima dumengia d'advent, quai cun ina chanzun cuminaivla.

Ils responsabels vesan ch'igl è impurtant d'includer la basa davent da l'entschatta en il process. En tuttas plaivs da la Svizra duajan ins perquai chantar ils 1 da december 2024 en il servetsch divin la chanzun cuminaivla: «Gott send herab» / «Oh! Viens, Sagesse» / «Vieni, vieni, Emmanuel» / «O vè, schi vè Immanuel» (RG 362). La chanzun datti en diversas variaziuns musicalas. Material per questa dumengia naziunala a favur dal svilup dal chant ecclesiastic chattan ins en l'adressa www.enchante-ref.ch. Per ia versiun rumantscha pon ins dumandar la cancelliera, plevonessa Ursina Hardegger (guarda contact en l'annexa). Il CB supplitgescha ils uffizis da pravenda e las suprastanzas da plaiv da sa participar a questa manifestaziun naziunala.

2.3. Protecziun da las datas

Ils 15 da november 2023 ha il CGE discutà ed approvà la lescha davart la protecziun da datas da la Baselgia chantunala (LPD-BC). Il termin da referendum ch'è stà publitgà en il Fegl uffizial chantunal è i a fin ils 5 da zercladur/gün senza ch'insatgi haja tratg a niz quel. En sia sesida dals 13 da zercladur ha il CB cunquai decidì da metter en vigur la LPD-BC ils 1 da fanadur 2024.

Questa lescha porscha a las plaivs dapli clerezza e chapaivladad. Sia entrada en vigur na vul dentant dir che la giurisdicziun saja pli rigurusa per ellas. Igl è numnadamain uschia che la lescha federala davart la protecziun da datas è inclusa e vala per decret, quella vegn er applitgada en la lescha chantunala davart la protecziun da datas.

La LPD-BC è la basa legala per ch'il CB possia instituir ina cussegliaziun davart la protecziun da datas. Il CB n'ha dentant anc betg surdà incaricas a persunas cumpetentas. Davent da la primavaira 2025 vegn la Baselgia chantunala a pudair metter a disposiziun informaziuns co ch'igl è previs da realisar las mesiras. Las plaivs han temp da reagir enfin ils 1 da fanadur 2026. Il CB supplitgescha da s'occupar gia ussa cun dumondas davart la protecziun da datas ed engrazia a las plaivs ed a las RE per l'attenziun ch'ellas dattan a questa chausa.

2.4. Respostas a postulats e propostas da las radunanzas da primavaira

Per l'infurmaziun da tuttas delegadas e delegads publitgain nus qua ina survista da las propostas, ils impuls e las dumondas ch'il CB ha retschet da las radunanzas da primavaira, sco er las respostas latiers.

La RE Heinzenberg-Tumleatga ha inoltrà il suandant impuls:

Cun leger la davosa publicaziun èsi sa mussà ina malchapientscha tar il punct 6.1 cun il titel «Occurrenzas regiunalas plus l'onn». La radunanza fa la proposta da precisar: Onn da scola u onn da rapport (da la radunanza d'atun enfin la radunanza d'atun), p. ex. 2023/2024.

Il CB engrazia a la RE Heinzenberg-Tumleatga d'ans render attent a quest fatg. En questa publicaziun preschenta èn ils texts cun las occurrenzas regiunalas adattads, els vegnan precisads er en las proximas ediziuns (glista da las occurrenzas).

La RE Surselva ha inoltrà la suandanta dumonda:

La RE Surselva ans communitgescha ch'ins n'haja betg respundì cleramain a sia interpellaziun pertutgand las adressas da mail da plevonessas e plevons pensiunads. Uffizialmain repeta ella: Pon plevonessas e plevons pensiunads utilizar lur adressa da mail gr-ref vinavant er per il temp da pensiun, u retschaivan ellas ed els da nov quella suenter ch'els arrivan en il chantun Grischun?

Il mument ch'il CB ha approvà la publicaziun preschenta è la gronda part da la reorganisaziun da la part IT da la Baselgia chantunala anc en la fasa da realisaziun. Las novaziuns pertutgan l'infrastructura e singuls programs. Entant è il personal cumpetent occupà intensivamain cun las incumbensas las pli urgentas. Uschia èsi pussaivel da reparter ils contos dad e-mail pir l'atun, quai che nus avevan communitgà gia en la davosa publicaziun.

Per pudair applitgar ina pratica clera e stringenta ston ins examinar exact e cun quità ils singuls cass che pertutgan betg sulettamain plevonessas e plevons pensiunads. Il CB spera che la RE haja pazienza per la situaziun, damai ch'ins na po anc betg dar ina resposta exacta a la dumonda.

La RE Surselva ha inoltrà il suandant impuls:

La RE Surselva dat l'impuls d'inditgar en la publicaziun las occurrenzas regiunalas per il mez onn che suanda. Uschia hajan persunas interessadas a temp l'informaziun d'occurrenzas attractivas e possian sa participar a quellas.

La RE Surselva intimescha d'utilisar la glista da las occurrenzas regiunalas en il senn d'ina prevista d'in chalender d'occurrenzas. Damai che la publicaziun cumpara mintga mez onn stuessan las indicaziuns esser conuschentas mintgamai almain in mez onn avant. Da cas tar cass na pudess quai betg esser pussaivel. Il CB vesa ch'il barat tranter las Conferenzas pastorals u il chalender d'occurrenzas Guidele è in instrument pli adattà per far reclama per occurrenzas. La glista en la publicaziun è da vesair plitost sco ina bursa d'ideas.

Da principi ston ins sa dumandar sch'ins duai inditgar vinavant en la publicaziun la glista da las occurrenzas. Gugent pon las RE dar en il protocol in resun sch'ellas dovran anc la rubrica «occurrenzas regiunalas».

3. COMUNICAZIUNS E CONSULTAZIUNS DAL DECANAT

3.1. Preditgantas e preditgants laics enfin la Sinoda 2028

A chaschun da sia sesida dal matg ha il Decanat concedì ina lubientscha nova per ils proxims quater onns a Marlis Widmer-Burkhalter, RE Ela. Plinavant ha el prolungà enfin la Sinoda 2028 la lubientscha da preditgant e preditganta da Peter Anderfuhren, RE Surselva, e Katharina Heitz-Frey, RE Heizenberg-Tumleatga. Il Decanat engrazia a las preditgantas ed als preditgants d'enfin qua per lur servetsch a favur da l'annunziaziun.

3.2. Conceder ina lubientscha a predicaturas e predicaturs laics

Per conceder ina lubientscha a predicaturas e predicaturs laics èn cumpigliads tant la plaiv sco la radunanza regiunala sco er il Decanat. Cun il decret da la lescha e l'ordinaziun davart l'admissiun (CLE 910 e 912) èn regladas da nov las premissas per pudair lavurar en quest sector. Il Decanat dat uss mintga mez onn ina lubientscha da predicatur laic e supplitgescha da resguardar ils puncts suandants:

Plaiv ed uffizi da pravenda proponan ina persuna che collavura en ina plaiv grischuna (art. 32 lescha d'admissiun). Las premissas èn inditgadas en art. 9 da l'ordinaziun d'admissiun: 1. Persuna cumprovada cun experientscha da vita; 2. Interess teologic e colligaziun cun la tradiziun da la Baselgia evangelic-refurmada; 3. La voluntad d'annunziar il pled da Dieu cunscienziusamein tenor la s. Scritura e tenor ils principis da la Baselgia evangelic-refurmada; 4. La prontadad da resguardar a moda cunscienziusa la constituziun e l'urden giuridic da nossa Baselgia; 5. In cult divin d'emprova en la plaiv. Il Decanat supplitgescha las plaivs da far la proposta d'elecziun a scrit e da communitgar cura ch'il cult divin d'emprova è stà.

La **radunanza regiunala** pren encunter la proposta da la plaiv. Las candidatas ed ils candidats sa preschentan cun in curs da vita. Alura datti ina votaziun confidenziala, vul dir a scrit, davart la proposta. Il Decanat supplitgescha la Regiun d'aschuntar il curs da vita al protocol, u d'inditgar en quel ils puncts relevants e da menziunar il resultat da la votaziun.

La basa giuridica è resumada en in document ch'ins chatta en «Kirche Praktisch». En cas da dumondas dat la cancelliera Ursina Hardegger gugent scleriment (adressa guarda l'aschunta).

4. CONSULTAZIUN DA LA DIRECZIUN DAL CGE

4.1. Propostas d'elecziun per in commember dal CB

Dapi che cussegliera Barbara Hirsbrunner (parsura dal departament 6 «missiun, ecumena, diaconia») ha stui extrar pervi da la limitaziun dal temp d'uffizi è in post vacant en il CB. Nus supplitgain las RE da dumandar persunas adattadas per l'elecziun en noss gremi e d'inditgar lur propostas en il protocol. Nus tschertgain ina persuna che sa metta a disposiziun per la perioda d'uffizi 2025-2028.

4.2. Propostas per il presidi ed il vicepresidi dal CB

En sia sesida d'atun vegn il CGE ad eleger ina presidenta u in president sco er ina vicepresidenta u in vicepresidente dal CB.

Per la perioda d'uffizi 2025-2028 sa cumpona il CB uschia:

- Erika Cahenzli-Philipp, Untervaz
- Dr. Raphaela Holliger, Sils i. D.
- Decan ser Thomas Müller-Weigl, Arosa (2023/2026)
- Ser Jens Köhre, Flem
- Hanspeter Wildi, Fanas
- Ser Christoph Zingg, Mustér

La presidenta dal CB d'enfin qua, Erika Cahenzli-Philipp, ed il vicepresidente d'enfin qua, ser Thomas Müller-Weigl, sa mettan a disposiziun per la reelecziun.

La direcziun da la Baselgia chantunala supplitgescha las RE, d'inditgar en il protocol lur propostas.

5. RAPPORTS REGIONALS

5.1. Preschentaziun da las provisuras e dals provisurs

Nus intimain las RE da trair a niz lur radunanza per beneventar ed emprender a conuscher plevonessas e plevons ch'èn arrivadas ed arrivads. A quest scopo po servir ina preschentaziun orala che dat envista en l'actividad dal provisor resp. da la provisura.

5.2. Occurrenzas regionalas dapi la radunanza d'atun 2023

Il CB supplitgescha las RE da rapportar tge occurrenzas regionalas ch'ellas han organisà dapi la davosa radunanza d'atun. Quai èn per exempel conferenzas pastorales, retratgas, occurrenzas da perfecziunament, festas districtualas e.u.v. Las indicaziuns vegnan communitgadas en la publicaziun da primavaira.

Pertutgand ils rapports da las conferenzas pastorales supplitgescha il CB las RE da numnar en lur tabellas er las tematicas ch'ins ha tractà. Quels rapports servan a las autras RE sco bursa d'ideas. Perquai èsi nizzaivel d'inditgar informaziuns davart las referentas ed ils referents sco er las tematicas.

5.3. Instrucziun da religiun 2024/2025

Il CB registrescha, sur il post spezialisà da pedagogia da religiun, er per quest onn da scola las datas da l'instrucziun da religiun. Sch'i sa mussan durant l'onn da scola current en las plaivs problems en connex cun l'instrucziun da religiun, renda il CB attent a la pussaivladad da sa drizzar direct al post spezialisà da pedagogia da religiun en scola, plevonessa Barbara Hanusa (per contact guarda l'annexa).

5.4. Preparativas per l'inspeziun ordinaria dals archivs 2025

Sa basond sin art. 6 da l'ordinaziun davart endrizzar e manar ils archivs da plaiv (CLBC 215) decretescha il CB mintga tschintg onns ina inspeziun ordinaria da tut ils archivs (partiziun uffizi da pravenda e plaiv). Ina tala datti puspè l'onn proxim 2025. Nus supplitgain las RE d'incaricar a chaschun da lur radunanza d'atun ina u pliras personas cun questa inspeziun. Scha pussaivel duess la medema persona far quella en tuttas plaivs d'ina RE.

Il CB supplitgescha las suprastanzas da plaiv da procurar ad uras ch'i dettia tar l'insepcziun 2025 in register cumplet da l'archiv (register dal cuntegn). Etichettas autocollantas e material d'archiv per inventarisar archivalias novas pon ins retrair tar l'administraziun da la Baseligia chantunala.

Per las inspecturas ed ils inspecturs che las plaivs elegian, vegn la cumissiun d'archiv da la Basegia chantunala ad organisar ina informaziun. Las RE indemniseschan ellas ed els tenor regulativ CLBE 821.

Tenor art. 11 da la lescha davart las Regiuns ecclesiasticas maina mintga RE in agen archiv. L'onn 2025 datti per l'emprima giada er ina inspeziun da quels archivs regiunals. La cumissiun d'archiv è respunsabla per quels. Ses commembers vegnan a contactar ils presidis da las RE per fixar in termin d'inspeziun.

Independentamain da las inspeziuns ordinarias dals archivs èsi da far tar mintga mutaziun en in uffizi da pravenda ina inspeziun extraordinaria da l'archiv da la partiziun correspudenta. Questa inspeziun fa in commember da la cumissiun d'archiv da la BC.

Il CB supplitgescha las suprastanzas da las RE da procurar ch'ins annunzia avant la partenza da la plevonessa u dal plevon, d'ina provisura u d'in provisor, al president da la cumissiun d'archiv, Peter Wydler (adressa guarda en l'annexa). Tenor regulativ CLBE 821 surpren la plaiv ils custs da la visitaziun. Il CB engrazia per il quità e l'attenziun ch'ins dat als archivs.

5.5. Propostas, impuls e dumondas

Tenor art. 27 cf. 11 da la constituziun da la BC pon las RE trametter vinavant al CB propostas, impuls e dumondas. Quai po dentant succeder sulettamain da las radunonzas regiunals e betg da singuls delegads. Il resultat da votaziun da talas decisiuns è d'inditgar en il protocol.

Sch'il CB accepta *propostas*, preschenta el quellas per consultaziun a las RE ed a la Sinoda. Suenter vegn il CGE a discutir surlonder. Sche propostas vegnan acceptadas, datti per consequenza midadas da la lescha. Sch'il CB tracta *impuls* e *dumondas*, po el prender sez masiras e realisar quellas en il senn da la chaussa.

Sch'il CB refusa ina interpellaziun, communitgescha el quai a scrit a la RE pertutgada e motivescha sia decisiun en la proxima publicaziun (CLE 610,23).

6. INFORMAZIONI DIVERSE

6.1. Annunziar mutaziuns e moda da spediun

Nus supplitgain las plaivs d'annunziar usche svelto sco pussaivel al secretariat da la BC mutaziuns en la suprastanza, ils delegads da las RE sco er d'employads. Il secretariat maina glistas per invits a sesidas da las RE, a radunanzas dals organs da la BC sco er per spediun che pertutgan infurmaziuns impurtantas a las collavuraturas ed als collavuratur en las plaivs. Indicaziuns actualas levgieschan la lavur tant da las plaivs sco er dal secretariat da nosssa centrala.

La publicaziun vegn messa a disposiziun da maniera digitala e spedita cun posta. Sin la spediun cun posta pon ins desister. Tgi che giavischa da midar la moda da distribuiziun, po annunziar quai al secretariat da la BC (info@gr-ref.ch). Sch'ins desista da la distribuiziun cun posta convenziunala, pertutga quai er ils invits al CGE ed a la Sinoda, il rapport sinodal sco er il register d'adresses.

6.2. Giubileums

Las suprastanzas regionalas e da las plaivs pon annunziar al CB giubileums da servetsch (20, 25 u 30 onns) d'employadas ed employads da la Baselia e da voluntarias e voluntaris.

Vus pudais aschuntar las annunzias al protocol colloquial u trametter quellas a scrit sco communicaziun separada a l'actuar dal CB, Peter Wydler (adresa guarda annexa). Las giubilaras ed ils giubilaras survegnan, d'asper la renconuschientscha atras la plaiv u la Regiun ecclesiastica, in document uffizial ed in regal. Tgi che lavura pli ditg che 20 onns per ina plaiv e che finescha l'activitad per quella, pon ins medemamain annunziar, ella u el retschaiva er in document uffizial ed in regal. Igl è indispensabel d'inditgar il num cumplet e l'adresa da la/dal giubilar(a) sco er sia funcziun e la durada exacta da l'engaschament.

6.3. Proceder tar midadas en ils uffizis da pravenda

En la pagina web da la Baselia chantunala pon ins stgargiar sut www.gr-ref.ch/downloads in feigl che infurmescha tge ch'igl è da far sch'ins sto occupar da nov in post da plevonessa u plevon (sut il chavazzin «Pfarrpersonensuche, Checkliste»).

6.4. Sesidas dal Cussegl grond evangelic 2024/2025

Mesemna, 20-11-2024 (l'entir di), Sala dal Cussegl grond, Cuira
Mesemna, 04-06-2025 (l'entir di), Sala dal Cussegl grond, Cuira
Mesemna, 19-11-2025 (l'entir di), Sala dal Cussegl grond, Cuira

6.5. Sesidas dal Cussegl da baselia 2024/2025

Il CB s'inscuntra ina giada il mais. Giavischs e tractandas duessan ins comunicar a l'actuarial al-main trais emnas avant il termin correspondent.

Termins da las sesidas 2024: 15 d'avust, 19 da settember, 31 d'october, 21 da november, 12 da december.

Termins da las sesidas 2025: 16 da schaner, 20 da favrer, 13 da mars, 17 d'avrigl, 15 da matg, 13 da zercladur/gün, 3 da fanadur/lügl, 14 d'avust, 18 da settember, 30 da november, 20 da november, 11 da december.

6.6. Reuniuns da la Sinoda 2025

3 e 4 da favrer 2025, dieta sinodala a Cuira.

26 enfin 30 da zercladur/gün 2025, Sinoda ordinaria a Seewis.

6.7. Termins da las radunanzas regiunalas d'atun 2024

Regiun ecclesiastica Am Rhein	4 da settember
-------------------------------	----------------

Regiun ecclesiastica Bernina-Maloja	10 da settember
-------------------------------------	-----------------

Regiun ecclesiastica Tavau	4 da settember
----------------------------	----------------

Regiun ecclesiastica Ela	17 da settember
--------------------------	-----------------

Regiun ecclesiastica Engiadina Bassa-Val Müstair	10 da settember
--	-----------------

Regiun ecclesiastica Heinzenberg-Tumleasga	4 da settember
--	----------------

Regiun ecclesiastica Herrschaft-V Dörfer	11 da settember
--	-----------------

Regiun ecclesiastica Prättigau	11 da settember
--------------------------------	-----------------

Regiun ecclesiastica Sassal-Cuira	10 da settember
-----------------------------------	-----------------

Regiun ecclesiastica Val Schons-Avrar-Valrain-Moesa	18 da settember
---	-----------------

Regiun ecclesiastica Schanfigg-Churwalden	11 da settember
---	-----------------

Regiun ecclesiastica Surselva	11 da settember
-------------------------------	-----------------

La conferenza presidiala da las Regiun ecclesiasticas è mesemna, ils 14 d'avust, da las 14.00 enfin las 16.00.

6.8. Ils termins da las radunanzas regiunalas da primavaira 2025

Nus supplitgain las actuaras ed ils actuars d'inditgar en il protocol il termin da las radunanzas da primavaira da l'onn proxim (sche pussaivel cun uras e lieu da la radunanza).

6.9. Inoltrar ils protocols da las radunanzas regiunalas

A chaschun da sia sesida da l'october vegn il CB ad evaluar ils protocols da las radunanzas regiunalas; la documentaziun latiers vegn spedita il settember.

Per ch'ins possa far l'evaluaziun ad uras essan nus engraziavels sche Vus tramettais, uschè svelt sco pussaivel, il protocol en furma electronica (sco datoteca Word, betg scanà) a l'actuara-substituta, *Ursina Hardegger* (guarda l'adresa en l'annexa).

Ils protocols suttascrits, en furma da palpiri inclus las annexas, vegnan archivads. Per plaschair tramettai quels **enfin ils 20 da settember** medemamain a l'actuara-substituta dal CB.

Prevista: Il termin d'inoltrar ils protocols da las radunanzas da primavaira da las RE è ils 15 d'avrigl 2025.

Cuira, fanadur 2024, Cussegl da baselgia evangelic



Erika Cahenzli-Philipp
presidenta



Peter Wydler
actuar

7. ANNEXAS (ADRESSAS)

Actuar dal CB

Ser Peter Wydler
Loëstrasse 60, 7000 Cuir
081 257 11 00
kirchenratsaktuar@gr-ref.ch

Actuara substituta, cancelliera (decanat)

Plevonessa Ursina Hardegger
Loëstrasse 60, 7000 Cuir
081 257 11 00
ursina.hardegger@gr-ref.ch

Administratur da finanzas

Marcel Schädler
Loëstrasse 60, 7000 Cuir
081 257 11 00
marcel.schaedler@gr-ref.ch

Ressort veta ecclesiastica, direcziun dal team

Diacon social Johannes Kuoni
Loëstrasse 60, 7000 Cuir
081 257 11 85
johannes.kuoni@gr-ref.ch

Ressort veta ecclesiastica, pedagogica da religiun

Plevonessa Barbara Hanusa
Loëstrasse 60, 7000 Cuir
081 257 11 86
barbara.hanusa@gr-ref.ch

Medioteca da la Baselgia

www.mediogr.ch

Pagina d'internet da la Baselgia chantunala

www.gr-ref.ch

Informaziuns e servetschs guarda «Downloads» e «Kirche praktisch» (sut «Service»)